

Headlines

1. उपमुख्यमंत्री होरें आखेआ ऐ जे क्रशर्स कायम करने लेई लोडचदी एनओसी हासिल करनी होग।
2. सकीना इत्तू होरें आखेआ जे 6 ज्हार 839 ग्राएं दी जमाबंदिएं दा कम्प्यूट्रीकरण करी दित्ता गेआ ऐ।
3. शिक्षा मंत्री होरें आखेआ जे 27 बक्ख-बक्ख विशें लेई 594 लेक्चररें दिएं असामिएं गी जे.के.पी.एस.सी गी रैफर कीता गेआ ऐ।
4. खुराक नागरिक आपूर्ति मंत्री होरें आखेआ ऐ जे राशन कार्ड च परोआर दे सदस्य दे रेई गेदे नाएं गी दर्ज करोआने दा कम्म नियमित तौरा पर कीता जाग।
5. खेलो इंडिया पैरा गेम्स दा दुआ संस्करण अज्ज राष्ट्रीय राजधानी च शुरू।

<><><><><><>

Dy. CS Stone Crusher

उपमुख्यमंत्री सुरेंद्र चौधरी होरें आखेआ जे स्टोन क्रशर जनेह इदारें गी मुतलका मैहकमे आसेआ एन.ओ.सी हासिल करने मगरा गै कायम कीता जाई सकोग। एह गल्ल उनें शेख खुर्शिद अहमद हुंदे आसेआ पुच्छे गेदे सोआलै दे परते च आक्खी। उनें आखेआ जे माइनर मिनरल आधारित इकाइयां खोलने लेई जम्मू-कश्मीर प्रदूषण नियंत्रण बोर्ड थवां इजाजत लैनी होग ते मुतलका जिले दे डिप्टी कमिशनर थवां एनओसी बी लैनी होग।

<><><><><><>

Itoo-Jamabandies

सेहत ते मेडिकल शिक्षा मंत्री सकीना इत्तू होरें आखेआ जे 6 ज्हार 839 ग्राएं दी जमाबंदिएं सरबंधी डिजिटाइजेशन आहला कम्म मुकम्म करी लैता गेआ ऐ। एह कम्म डिजिटल इंडिया लैंड रिकाइर्स माईनाइजेशन प्रोग्रम तैहत कीता जाइदा ऐ। आकाशवाणी जम्मू संवाददाता दी रिपोर्ट मूजब मुख्यमंत्री हुंदी तरफा इक सोआलै दे परते च उनें एह गल्ल आक्खी। इस बारै आर.एस. पठानिया होरें इक सोआल पुच्छेआ हा। मंत्री होरें आखेआ जे जमाबंदिएं दा डिजिटाइजेशन करने लेई केई गेंऽ पुट्टियां गेइयां न।

<><><><><><>

Sakeena Lecture

स्कूली शिक्षा मैहकमे दियां मंत्री सकीना इत्तू अज्ज सभा च जानकारीद दित्ती जे जम्मू-कश्मीर च हायर सेकेंडरी स्कूलें च टीचरें दी कमी गी दिखदे होई 27 बक्ख-बक्ख विषयें च 10+2 लैक्चररें दी 594 असामियां पुरने लेई जम्मू-कश्मीर लोक सेवा आयोग गी रैफर करी दित्तियां गेइयां न। मंत्री होरें एह जानकारी मेहराज मलिक हुंदे आसेआ पुच्छे गेदे सवाल दे परते च दित्ती। उनें जानकारी दित्ती जे डोडा जिले दे हायर सेकेंडरी स्कूलें च बक्ख-बक्ख विषयें च तकरीबन 367 असामियां खाली पेदियां न। मंत्री होरें अगगे जानकारी दित्ती जे शैक्षणिक बरे 2024-25 दौरान 140 कलस्टर रिसोर्स कोआर्डिनेटरें गी डोडा च बक्ख-बक्ख विषये पढाने आस्तै आरजी तौरा पर लाया गेआ हा।

<><><><><><>

Navroz

मुख्यमंत्री उमर अब्दुल्ला, उपमुख्यमंत्री सुरिंद्र चौधरी ते सेहत ते स्कूली शिक्षा मंत्री सकीना इत्तू होरें जम्मू-कश्मीर दे लोकें गी नवरोज दी शुभकामनां दित्तियां। मुख्यमंत्री होरें आखेआ जे एहू त्यौहार नमीं मेदें ते बसंत रूतै दी शुरूआत दा प्रतीक ऐ। इसै चाल्ली मंत्री सकीना इत्तू होरें आखेआ जे बसंत रूतै दे इस त्यौहार दा जम्मू-कश्मीर दा बड़ा महत्व ऐ।

<><><><><><>

Condolence

साबका विधायक ते बीजेपी नेता फकीर मोहम्मद खान हुंदा काल होई गेआ ऐ। विधानसभा दे स्पीकर अब्दुल रहीम राथर होरें दिवंगत आत्मा दी शांति लेई प्रार्थना कीती ते सौगी परोआर प्रति हमदर्दी बी जाहिर कीती। मुख्यमंत्री उमर अब्दुल्ला होरें सौगी परोआर प्रति संवेदना जाहिर कीती ते दिवंगत आत्मा दी शांति लेई प्रार्थना कीती। विपक्ष दे नेता सुनील शर्मा ते गुरेज थवां एमएलए नजीर अहमद खान गुरेजी होरें फकीर मोम्मद खान हुंदा काल होई जाने पर दुख ते बसोस जाहिर कीता। विधानसभा च दिवंगत आत्मा दी शांति लेई 2 मिनटें दा मौन बी रक्खेआ गेआ।

<><><><><><>

Poonch-Vatsalya

पुंछ दे डिप्टी कमिशनर विकास कुण्डल होरें अनाथ बच्चें गी मिशन वातसल्य स्कीम तैहत वजीफे आहले चैक तकसीम कीते। एहदा मकसद बच्चें दी जिंदगी च सुधार करना ऐ। कुल 27 अनाथ बच्चें च एहू वजीफे बंडे गे। कुल 215 बच्चें गी इस जल तैहत फायदा हासिल होग। कार्यक्रम दौरान 2 लख 12 जहार रपे तकसीम कीते गए। डिप्टी कमिशनर होरें बच्चें कन्नै गल्ल कीती ते उनेंगी इस महत्वै आहली स्कीम बारै जानकारी दित्ती। इस मौके पर बोलदे होई वकील अहमद भट्ट होरें आखेआ।

<><><><><><>

Food Ration Cards

खुराक, नागरिक आपूर्ति ते उपभोक्ता मामलें दे मंत्री सतीश शर्मा होरें अज्ज आखेआ जे राशन कार्डें च जिंदा ना दर्ज नेई ऐ, उन्दे नाऽ दर्ज कराने दी प्रतिक्रिया नियमित तौरा पर चलारदी ऐ। मंत्री होरें एहू जानकारी बलवंत सिंह मनकोटिया हुंदे आसेआ पुच्छे गेदे सवाल दे परते च दित्ती। मंत्री होरें आखेआ जे जम्मू-कश्मीर च 98 लख 52 जहार लाभार्थियें गी मुफ्त जां फी रियायती भाएं पर दित्ते जाने आहली योजना हेठ आंदा गेआ ऐ जिंदे चा 56 जहार 977 लाभार्थी चनैनल थमां ना। मंत्री होरें एहू बी जानकारी दित्ती जे मैहकमा आसेआ वाजिव भाएं आहली हट्टियां खोलने पर बी सोच-विचार कीता जा'रदा ऐ।

<><><><><><>

Udh. Medical Camp

उधमपुर जिले दी बालियां ग्राम पंचैत परिसर च केंद्र रिजर्व पुलस बल-सी.आर.पी.एफ आसेआ सिविक एक्शन प्रोग्राम तैहत इक मुफ्त मेडिकल कैंप दा सरिस्ता कीता गेआ। इस कैंप दा उद्घाटन 187 बटालियन दे कमांडेंट मोहम्मद साजिद होरें कीता जेदे च तकरीबन साड्डे 300 पुरुष, महिला ते बच्चें गी मुफ्त दवाइयां तकसीम कीतियां गेइयां। मकामी लोकें उंदी भलाई-बेहतरी आस्तै इयै नेहू कैंपें दा सरिस्ता करने लेई सी.आर.पी.एफ दा धन्नवाद बी कीता। इस मौके पर बोलदे होई 187 बटालियन दे कमांडेंट मोहम्मद साजिद होरें आखेआ।

<><><><><><>

Udh. Cycle Rally

जम्मू खित्ते दी ऑल जम्मू-कश्मीर एंड कश्मीर पटवार एसोसिएशन ने अपने स्थापना दिवस पर “Say no to drugs” विषयेसार तैहत इक साइकिल रैली दा सरिस्ता करदे होई मनाया। एहू साइकिल रैली साइकल एसोसिएशन उधमपुर कन्नै रलियै आयोजित कीती गेदी ही जेडी उधमपुर दे जखैनी चौक थमां शुरू होई ही। एहदा मकसद नशे दी माडी कबैतू सोआं दूर रौहने लेई लोकें गी जागरूक बनाना हा। इस मौके पर उधमपुर दियां डिप्टी कमिशनर सलोनी राय होरें मुख्य परौहने दे तौरा

पर शिरकत कीती ते नौजवानें गी योगाभ्यास, खेड्डें च शमूलियत ते साइकलिंग जनेही आदतें गी अपनाने पर जोर दित्ता। इस मौके पर बोलदे होई उनें आखेआ।

<><><><><><>

Kishtwar Sports Meet

किश्तवाड दे सरकारी डिग्री कॉलेज पाडर नै युवा मामले ते खेड्डें सरबंधी मंत्रालय, नेहरू युवा केंद्र डोडा ते एनएसएस कन्नै रलियै कालेज च 2 दिनें दा ब्लॉक सतह दे स्पोर्ट्स मीट दा आयोजन कीता। इस आयोजन च 59 विद्यार्थियें बक्ख-बक्ख खेड्डें च हिस्सा लैता जिंदे च खो-खो, 100 मीटर दी द्रौड, बैडमिंटन, वॉलीबॉल ते शार्टपुट जनेही खेड्डें शामिल हियां। इस कार्यक्रम दा सरिसता फिट इंडिया मूवमेंट पैहलकदमी तैहत कीता गेदा हा जेदा मकसद विद्यार्थियें च शारीरिक सेहत गी बेहतर बनाने ते अनुशासन गी बढ़ावा देना हा। एहू कार्यक्रम च सरकारी डिग्री कालेज दे प्रिंसीपल बशारत इकबाल हुंदी दिक्ख-रिक्ख च कीता गेआ। स्टाडे संवाददाता कन्नै गल्ल करदे होई उनें आखेआ।

<><><><><><>

Khelo India

खेलो इंडिया पैरा गेम्स दे दुए संस्करण दा उद्घाटन अज्ज केंद्री युवा सेवा ते खेड्डे मंत्री डॉ. मनसुख मांडविया होरें कीता। एहू उद्घाटन नमीं दिल्ली च इंदिरा गांधी स्टेडियम च होआ। एहू खेड्डें राष्ट्रीय राजधानी च त्रै थाहरें पर होंगन। एहूदे च 1300 पैरा एथलीट हिस्सा लै रदे न। इस दौरान 6 बक्ख-बक्ख खेड्डे गतिविधियां होडन। पैरा बैडमिंटन प्रतियोगिता इंदिरा गांधी स्टेडियम च अज्ज बड्डुलै शुरू होई। ज्वाहर लाल नेहरू स्टेडियम च कल पैरा एथलीटिक्स ते शनिवारें थवां पैरा तीरंदाजी ते ऐतवार थमां भारत तुलकने आहली प्रतियोगिता होग। कल डॉ. के.एस. शूटिंग रेंज च पैरा शूटिंग दे मुकाबले होंगन।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बड्डुलै 11 बजे प्रसारत होने आले इस कार्यक्रम दी एहू 120मीं किश्त होग। कार्यक्रम च शामिल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे न। एहूदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहूदे कन्नो कन्नो एहूदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहूदा डोगरी च अनुवाद प्रसारत कीता जाग। एहूदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>